

Lider di Democracia Real sr. Andine Bikker

Fundacion Pro Husticia lo percura pa trece husticia bek pa e ciudadano comun y coriente

ORANJESTAD – Fundacion Pro Husticia ta un di e promenan den su concepto aki na Aruba, pues segun e codigo civil articulo 3:305 A. Basicamente e ta wordo yama na ingles “un class action lawsuit foundation”. Kico esei kiermen? Tin hopi hende tin miedo di cierto casonan aki na Aruba contra gobierno, of companianan grandi, anto na Hulanda, e lei di codigo civil, nan a bin cu e concepto Mericano, cu ta un fundacion cu ta bai dilanti cu cierto obhetivo y ta bai bringa cierto casonan cu ta pas den su concepto.

Den e caso aki nan sr. Andine Bikker a bisa cu nan ta bringando pa diferente luchanan noble y un di nan ta e prijs halto di awa y coriente. Den e proceso e

hecho cu e refinaria tin tax holiday cu ta ge-link cu e lucha einan. Tambe e locacion di e shelter y tambe un di e prome partido politiconan cu ta bringa contra di e lucha contra di e discriminacion pa via di ordenansa pa loke ta trata admision di hendenan cu no a nace aki nan, cu den concepto di Bikker ta contra derecho Humano y tur hende sa cu DIMAS ta un chaos y ta haciendo bida di diferente hende imposibel aki na Aruba y Bikker ta kere cu esei nan tambe mester wordo atendi. Esei ta basicamente e intencion di e fundacion.

Tambe a mira cu tin hopi hende na Aruba pa via di e BBO y otro factornan tambe, no ta duna espacio pa nan busca asistencia huridico pa nan por haya nan derecho of

defende nan mes anto den esaki a dicidi cu ta bin cu un “rechts winkel”, unda cu un persona por bin pa conseho huridico simpel y concreto pa nan por haya sa kico ta nan derecho nan, anto esei e fundacion ta bai maneha e seccion aki y e lot a situa na windsraat 29 cu ta e oficina nobo di democracia real cu lo bai duna asistencia na e ciudadano comun y coriente. Awendia a para bira den e mundo aki na Aruba, cu cada hende mester tin un abogado priva pa bringa su derecho nan y lamentablemente no ta tur hende tin un abogado y cu e tienda di abogado aki lo percura pa derecho di ningun hende wordo trapa. Lider di Democracia Real, Bikker a bisa cu e fundacion Pro Husticia aki ta ser dirigi



pa e mesun miembro nan di Democracia Real, unda cu sr. Andine Bikker ta presidente y sr. Edgar Arends ta e lider di campaña di Democracia Real ta e penningmeester y mesun cos cu cualkier otro partido politico tin nan fundacion pa haci investigacion y organisa seminario, esei ta loke Pro

Husticia a bin pe. Partido MEP tin Cezar Terzano y AVP tin Digna Lacle Herera y Democracia Real tin Pro Husticia cu ta bai pusha dilanti cosnan cu ta vosiferando sumes den comunidad y pa cuestion nan huridico mester a lanta e fundacion aki pa e bringa pa derecho di e ciudadano.